

四庫全書

集部

欽定四庫全書

古詩紀卷一百二十一  
明 馮惟訥 撰

北齊第二

郊廟歌辭

陸卬等奉詔作  
歷代吟譜曰  
陸卬字雲駒

累遷給事黃門侍郎吏部郎  
中齊之郊廟諸歌多卬所製

大禘園丘及北郊歌辭十三首

隋書樂志曰齊武成時始定四郊宗廟三朝之樂  
大禘園丘及北郊樂竝同祠武帝用園丘樂○北  
郊樂歌八首辭同南郊隋書南北郊  
樂合載其文異者分註本句之下

肆夏

夕牲羣臣  
八門奏

肇應靈序奄字黎民乃朝萬國爰徵百神祇展方望幽  
顯咸臻禮崇聲協贄列珪陳翼差鱗次端拱隋書  
作笏垂紳  
來趨動色式贊天人

高明樂

迎神奏登  
歌辭同

惟神鑒矣

北郊云惟  
祇監矣

皇靈肅止圓璧展事

北郊云方  
展事成

文即始

北郊云即  
陰成理

士備八能樂合六變

北郊云樂  
合八變

風湊

伊雅光華襲薦宸衛騰景靈駕霏煙巖壇生白綺席凝

玄

昭夏樂

牲出入奏

剛柔設位惟皇配之言肅其禮念暢在茲飭牲舉獸載  
歌且舞既設伊脂致精靈府物色惟典齋沐加恭宗族  
咸暨罔不率從

昭夏樂

薦毛血奏

展禮上月肅事應時蒞粟為用交暢有期弓矢斯發甕  
簋將事圓神致祀

北郊云方祗致祀

率由先志和以鷹刀臭以

血膂至哉敬矣厥義孔高

皇夏樂

進熟皇帝  
入門奏

帝敬昭宣皇誠肅致玉帛齊軌屏攝咸次三垓上列

北郊

云重垓  
上列

四陞旁升

北郊云分  
陞旁升

龍陳萬騎鳳動千乘神儀

天藹睟容離曜金根停軫奉光先導

皇夏樂

皇帝升丘奏壇  
上登歌辭同

紫壇雲暖

北郊云層  
壇雲暖

紺幄霞褰

北郊云嚴  
幄霞褰

我其陟止載

致其虔百靈竦聽萬國咸仰人神咫尺玄應盼嚮

高明樂

皇帝初獻奏

上下卷旁午從爵以質獻以恭咸斯暢樂唯雍孝敬闡臨萬邦

高明樂

皇帝奠爵訖奏高明樂覆燾之舞

自天子之會昌神道丘陵肅事

北郊云方澤祇事

克光天保九

闕洞開百靈環列八尊呈備五聲投節

武德樂

皇帝獻太祖配饗神座奏武德之樂昭烈之舞

配神登聖主極尊靈敬宣昭燭咸達官冥禮弘化定樂

贊功成穰穰介福下被羣生

皇夏樂

飲福  
酒奏

皇心緬且感吉蠲奉至誠赫哉光盛德乾坤照百靈報  
福歸昌運承祐播休明風雲馳九域龍蛟躍四溟浮慕  
呈光氣儷象燭華精漢武方知恥韶夏僅同聲

高明樂

送神降  
南陞奏

獻享聳懸佾周神之駕將上游北郊云超斗極絕河流將下遊

北郊云  
超荒  
極憇昆

懷萬國寧九州欣帝道心願留而上下荷

皇休

昭夏德

紫壇既燎奏

玄黃覆載元首照臨合德致禮有契其心敬申事闋絜

誠云報玉帛載升

北郊云牲玉載陳

棫樸斯燎寥廓幽暖播以

馨香皇靈惟監降福無疆

皇夏樂

皇帝還便殿奏

天大親嚴匪敬伊孝永言肆饗宸明增耀陽丘既暢

北郊

云陰澤云暢

大典逾光乃安斯息欽若舊章天迴地旋鳴鑿



引警且萬且億皇厯惟永

五郊樂歌五首

隋書樂志曰齊五郊迎氣降神並奏高明樂又曰禮五方上帝並奏高明之樂為覆燾之聲

青帝高明樂

歲云獻谷風歸斗東指鴈北飛電鞭激雷車遽虹旌靡  
青龍馭和氣洽具物滋翻降止應帝期

赤帝高明樂

婺女司旦仲呂宣朱精御節離景延根芟俊茂溫風發

柘火風水應炎月執衡長物德孔昭赤旂電隋書作霞曳會

今朝

黃帝高明樂

居中巾五運乘衡畢四時含養滋羣物協德固皇基  
擘緩契王風持載符君德良辰動靈駕承祀昌邦國

白帝高明樂

風涼露降馳景颺寒精山川搖落平秩在西成益藏成  
積烝民被嘉祉從享來儀鴻休溢千祀

黑帝高明樂

虹藏雉化告寒冰壯地圻年殫日次月紀方極九川萬  
邦獻力叶光是紀歲窮微陽潛兆方融天子赫赫明聖  
享神降福惟敬

祀五帝於明堂樂歌十一首

肆夏樂

先一日夕牲  
羣臣入門奏

國陽崇祀嚴恭

隋書  
作載

有聞荒華胥暨樂我大君冕瑞有

列禽帛載叙羣后師師威儀容與執禮辨物司樂考章

率由靡墜休有烈光

高明樂

太祖令迎神奏  
高明樂覆燾舞

祖德光國圖昌祗上帝禮四方闕紫宮洞華闕龍虎奮  
風雲發飛朱雀從玄武携日月帶雷雨耀宇內溢區中  
眷帝道感皇風帝道康皇風扇染盛列椒醕薦神且寧  
會五精歸福祿幸閭亭

武德樂

太祖配饗奏武  
德樂昭烈舞

我惟我祖自天之命道被歸仁時屯啓聖運鍾千祀授

手萬姓夷凶掩虐匡頽翼正載經載營庶士咸寧九功  
以洽七德兼盈丹書入告玄玉來呈露甘泉白雲郁河  
清聲教咸徃舟車畢會仁加有形化浹無外嚴親惟重  
陟配惟大既祐斯歌率土攸賴

昭夏樂

牲出  
入奏

孝享不匱精潔臨年滌牢委溢形色博牲于以用之言  
承歆祀肅肅威儀敢不敬止載飭載省惟牛惟羊明神  
有察保茲萬方

昭夏樂

虞毛  
血奏

我將宗祀，夤獻厥誠。鞠躬如在側聽，無聲薦色。斯純呈氣，斯臭有滌。有濯惟神，其祐五方。來格一人，多祉明德。惟馨於穆不已。

皇夏樂

皇帝入門奏皇帝  
升壇奏皇夏辭同

象乾上構，儀坤下基。集靈崇祖，永言孝思。室陳盥豆，庭羅懸佾。夙夜畏威，保茲貞吉。舞貴其夜，歌重其升。降斯百祿，惟饗惟應。

高明樂

皇帝初獻奏高  
明樂覆燾舞

度几筵闢牖戶禮上帝感皇祖酌惟潔滌以清薦心款  
達神明

高明樂

皇帝裸獻奏高  
明樂覆燾舞

帝精來降應我明德禮殫義展流祉邦國既受多祉實  
資孝敬祀謁其誠荷天休命

皇夏樂

飲福  
酒奏

恭祀洽盛禮宣英猷爛層景廣澤同深泉上靈鍾百福

羣神歸萬年月軌咸梯岫日域盡浮川瑞鳥飛玄扈潛  
鱗躍翠漣皇家膺寶曆兩地復參天

高明樂

太祝送神奏高  
明樂履熏舞

青陽奏發朱明歌西皓唱玄冥大禮罄廣樂成神心懌  
將遠征飾龍駕矯鳳旌指閭闔憇層城出溫谷邁炎庭  
跨西汜過北溟忽萬億耀光精比電驚與雷行嗟皇道  
懷萬靈固王業震天聲

皇夏樂

帝還  
便殿



文物備矣聲明有章登薦惟肅禮邈前王邕齊云終折  
旋告罄穆穆旒冕蘊誠畢敬屯衛按部鑿蹕迴途暫留  
紫殿將及清都

享廟樂辭十八首

肆夏樂

先一日夕牲  
羣臣入門奏

霜淒雨暢烝哉帝心有敬其祀肅事惟歆昭昭車服濟  
濟衣簪鞠躬貢耐磬折奉琛差以五列和以八音式祇  
王度如玉如金

高明登歌樂

迎神

日卜惟吉辰擇其良奕奕清廟黼黻周張大呂為角應  
鍾為羽路鼗陰竹德歌昭舞祀事孔明百神允穆神心  
乃顧保茲介福

昭夏樂

牲出  
入奏

大祀云事獻奠有儀既歌既展贊顧迎犧執從伊竦芻  
飾惟慄俟用於庭將升於室且握且駢以致其誠惠我  
貽頌降祉千齡

昭夏樂

薦毛  
血奏

緬彼遐慨悠然永思留連七享纏綿四時神升魄沉靡  
聞靡見陰陽載俟臭聲兼薦祖考其鑒言萃王休降神  
敷錫百福是由

皇夏樂

進熟皇  
帝入門

齋居嚴殿夙駕屬闈車輅垂彩旒袞騰輝聳誠載仰翹  
心有慕洞洞自形斤斤表步閔宮有邃神道依稀孝心  
緬邈爰屬爰依

登歌樂

太祝裸地奏

太室窅窅神居宿設鬱鬯惟芬珪璋惟潔粢粢應時龍  
蒲代用藉茅無咎福祿攸降端感會事儼思修禮齊齊  
勿勿俄俄濟濟

登歌樂

皇帝升殿殿上作

我祠我祖永惟厥先炎農肇聖靈祉蟬聯霸圖中造帝  
業方宣道昌基構撫運承天奄家六合爰光八埏尊神  
致禮孝思惟纏寒來暑反惕薦在年匪敬伊慕備物不

愆設簾設業執鼓填填辟公在位有容伊虔登歌啓佾  
下管應懸厥容無爽幽明肅然誠币厚地和達穹玄既  
調風雨載協山川周庭有列湯孫永延教聲惟被邁後  
光前

始基樂恢祚舞

皇帝初獻六世祖  
司空公神室奏

克明克俊祖武惟昌業弘營土聲被海方有流厥德終  
耀其光明神幽贊景祚攸長

始基樂恢祚舞

五世祖吏  
部尚書室

顯允盛德隆我前構瑶源彌瀉瓊根愈秀誕惟有族丕  
緒克茂大業崇新洪基增舊

始基樂恢祚舞

高祖秦州  
刺史室

祖德丕顯明喆知幾豹變東國鵲起西歸禮申官次命  
改朝衣敬思孝享多福無違

始基樂恢祚舞

曾祖太尉  
武貞公室

兆靈有業潛德無聲韜光戢耀貫幽洞冥道弘舒卷施  
博藏行緬追歲事夜遽不寧

始基樂恢祚舞

祖文皇  
帝室

皇皇祖德穆穆其風語嘿自己明獻在躬荷天之錫聖  
表克隆高山作矣寶祚其崇離光旦旦載煥載融感薦  
惟永神保無窮

武德樂昭烈舞

高祖神武  
皇帝室

天造草昧時難糾紛孰拯斯溺靡救其焚大人利見緯  
武經文顧指維極吐吸風雲開天闢地峻岳夷海冥工  
掩迹上德不宰神心有應龍化無待義征九服仁兵告

凱上平下成靡或不寧匪王伊帝偶極崇靈享親則孝  
潔祀惟誠禮備樂序肅贊神明

文德樂宣政舞

文襄皇帝室

聖武丕基獻文顯統眇哉神啓鬱矣天縱道則人弘德  
云邁種昭冥咸叙崇深畢綜自中徂外經朝庇野政反  
淪風威還闕雅旁作穆穆格于上下維享維宗來鑒來  
假

文正樂光大舞

顯祖文宣皇帝室



金  
卷一百二十一  
玄厯已謝蒼靈告期圖璽有屬揖讓惟時龍升獸變弘  
我帝基對揚穹昊實啓雍熙欽若皇猷永懷王度欣賞  
斯穆威刑允措軌物俱宣憲章咸布俗無邪指下歸正  
路茫茫九域振以乾綱混通華裔配括天壤作禮視德  
列樂傳響薦祀惟虔衣冠載仰

皇夏樂

飲福  
酒奏

孝心翼翼率禮兢兢時洗時薦或降或升在堂在戶載  
湛載凝多品斯奠備物攸膺蘭芬敬挹玉俎恭承受祭

之祐如彼岡陵

高明樂

送神  
奏

仰棖栢慕衣冠禮云罄祀將闌神之駕紛奕奕乘白雲  
無不適窮昭域極幽塗歸帝祉眷皇都

皇夏

皇帝詣  
便殿奏

禮行斯畢樂奏以終受嘏先退載暢其衷鑾軒循轍麾  
旌復路光景徘徊絃歌顧慕靈之相矣有錫無疆國圖

日競

隋書  
作鏡

家厯天長

燕射歌辭

元會大饗歌三十一首

隋書樂志曰北齊元會大饗協律不得  
升陛黃門舉麾於殿上今列其歌辭云

肆夏

賓入門  
四廂奏

昊蒼眷命興王統天業高帝始道邈皇先禮成化穆樂  
合風宣賓朝荒夏對揚穹玄

皇夏

皇帝出  
閣奏

夏正肇旦周物充庭具僚在位俛伏無聲大君穆穆宸

儀動睟日煦天迴萬靈胥萃

皇夏

皇帝當宸  
羣臣奏

天子南面乾覆離明三千咸列萬國填并猶從禹會如  
次湯庭奉茲一德上下和平

皇夏

皇帝入宇變服黃  
鍾太簇二廟奏

我應天厯四海為家協同內外混一戎華鶴蓋龍馬風  
乘雲車夏章夷服其會如麻九賓有儀八音有節肅肅  
於位飲和在列四序氤氳三光昭晰君哉大矣軒唐比

轍

皇夏

帝出升御座  
姑洗廂奏

皇運應錄廓定區寓受終以文構業以武堯昔命舜舜  
亦命禹大人馭歷重規沓矩欽明在上昭納八寅從靈  
體極誕聖窮神化生羣品陶育杰人展禮肆樂協此元  
春

肆夏

王公奠  
壁奏

萬方咸暨三揖以申垂旒馮玉五瑞交陳拜稽有章升

降有節聖皇負宸虞唐比烈

上壽曲

上壽黃  
鍾廂奏

仰三光奏萬壽人皇御六氣天地同長久

登歌三曲

皇太子入至坐位  
酒至御殿上奏

大齊統歷道化光明馬圖呈寶龜籙告靈百蠻非衆八  
荒非逃同作堯人俱包禹迹

天覆地載成以四時惟皇是則比大於茲羣星拱極衆  
川赴海萬寓駿奔一朝咸在

金方... 卷一百二十一  
齊之以禮相趨帝庭應規蹈矩玉色金聲動之以樂和  
風四布龍申鳳舞鸞歌麟步

食舉樂十曲

食至御  
前奏

三端正啓萬方觀禮具物克庭二儀合體百華照曉千  
門洞晨或華或喬奉贄惟新悠悠亘六合圓首莫不臣  
仰施如雨晞和猶春風化表笙鏞歌謳被琴瑟誰言文  
軌異今朝混為一

彤庭爛景丹陛流光懷黃綰白鶴鷺成行文贊百揆武

鎮四方折衝鼓雷電獻替協陰陽大矣哉道邁上皇陋  
五帝狹三皇窮禮物該樂章序冠帶垂衣裳

天壤和國家穆悠悠萬類咸孕育契冥化侔大造靈效  
珍神歸寶興雲氣飛龍蒼麟一角鳳五光朱雀降黃玉  
表九尾馴三足擾化之定至矣哉瑞感德四方來

圉圉空水火菽粟求賢振滯棄珠玉衣不靡宮以卑當  
陽端嘿垂拱無為云云萬有其樂不訾

嗟此舉時逢至道肖形成自持賦命無傷天行氣進皇



輿遊龍服帝阜聖主寧區宇乾坤永相保

牧野征鳴條戰大齊家萬國拱揖應終禪與主廓清都  
大君臨赤縣高居深視當宸正殿旦暮之期今一見  
兩儀分牧以君陶有象化無垠大齊德邈誰羣超鳳火  
冠龍雲露以潔風以薰榮光至氣氤氳

神化遠人靈協寒暑調風雨燮披泥檢受圖謀圖謀啓  
期運昌分四序絃三光延寶祚眇無疆

惟皇道升平日河水清海不溢雲干呂風入律驅黔首

入仁壽與天高竝地厚

刑以厝頌聲揚皇情邈眷汾襄岱山高配林壯亭亭聳  
云云望旆歲蕤駕駸駸刊金闕奠玉龜

皇夏

皇帝入  
鐘鼓奏

禮終三爵樂奏九成允也天子穹壤和平載色載笑反  
寢晏息一人有祉百神奉職

舞曲歌辭

文武舞歌四首

欽定四庫全書

古詩紀  
卷一百二十一

十七

隋書樂志曰北齊元會大饗奏文武二舞二舞將作並先設階步焉

文武階步辭

我后降德肇峻皇基搖鈴大號振鐸命期雲行雨洽天  
臨地持茫茫區宇萬代一時文來武肅成定於茲象容  
則舞歌德音詩鏘鏘金石列列匏絲鳳儀龍至樂我雍  
熙

文舞辭

皇天有命歸我大齊受茲華玉爰錫玄珪奄家環海實

子蒸黎圖開寶匣檢封芝泥無思不順自東徂西教南  
暨朔罔敢或攜比日之明如天之大神化斯洽率土無  
外眇眇舟車華戎畢會祠我春秋服我冠帶儀協震象  
樂均天籟蹈武在庭其容藹藹

武舞階步辭

大齊統歷天監孔昭金人降汎火鳳來巢眇均虞德干  
戚降苗夙隋書  
作風沙攻主歸我軒朝禮符揖讓樂契咸韶

蹈揚惟序律度時調

武舞辭

天眷橫流宅心玄聖祖功宗德重光襲映我皇恭已誕  
膺靈命宇外斯燭域中咸鏡悠悠率土時惟保定微微  
動植莫違其性仁豐庶物施洽羣生海寧洛變契此休  
明雅宣茂烈頌紀英聲鏗鐘鼓掩抑簫笙歌之不足  
舞以禮成鏢矣王度緬邁千齡

已上樂章詩彙云祖珽作按隋書樂志祖珽上書論  
樂於文宣之時至武成時始定四郊宗廟三朝之樂

而不著作歌之人則非珽作明矣今考北史陸印等製

雜歌謠辭

無名氏

敕勒歌

樂府廣題曰北齊神武攻周王壁士卒死者十四  
五神武志憤疾發周王下令曰高歡鼠子親犯王  
壁劔弩一發元允自斃神武聞之勉坐以安士衆  
悉引諸責使斛律金唱敕勒神武自和之 其歌  
本鮮卑語易為齊言  
故其句長短不齊

敕勒川陰山下天似穹廬籠蓋四野天蒼蒼野茫茫風

吹草低見牛羊

鄭公歌

北史曰鄭述祖天保中為兗州刺史有人入市盜布其父執之以歸述祖述祖特原之自是境內無盜先是述祖之父道昭亦嘗為兗州刺史故百姓歌之

大鄭公小鄭公相去五十載風教尚猶同

邯鄲郭公歌

樂府廣題曰北齊後主高緯雅好傀儡謂之郭公時人戲為郭公歌及將敗果邯鄲高郭聲相近九十九未數也滕口鄆林也大兒謂周帝太祖子也高岡後主姓也雉雞類武成小字也後敗於鄆林

盡如歌言  
蓋語妖也

邯鄲郭公九十九技兩漸盡入滕口大兒綠高岡雉子  
東南走不信吾言時當看歲在酉

東昏時百姓歌

當入南齊馮  
公誤置此

金陵志曰齊東昏侯即臺城閱武堂為芳樂苑山  
石皆塗以彩色跨池水立紫閣諸樓觀又於苑中  
立店肆以潘妃為市令又作土山  
開渠立埭下苑中時百姓歌云

閱武堂種楊柳至尊屠肉潘妃沽酒

東魏鄴都謡



隋書五行志曰魏孝靜帝始移都于鄴時有童謡  
按孝靜帝清河王之子也后則齊神武之女鄴都  
宮室未備即逢禪代作窠未成之效也孝靜尋崩  
文宣以后為太原長公主降於楊愔時神武妻后  
尚在故言寄書於婦  
母新婦子斥后也

可憐青雀子飛入鄴城裏作窠猶未成舉頭失鄉里寄  
書與婦母好看新婦子

東魏武定中童謡

隋書五行志曰武定中有童謡按高者齊姓也澄  
文襄名五年神武崩推折之應七年文襄為盜所  
害澄滅  
之徵也

百尺高竿摧折水底然燈澄滅

東魏末童謡

北史齊本紀曰後魏末文宣未受禪時有童謡按  
藎然兩頭於文為高河邊段聽為水邊羊指帝名  
也於是徐之  
才勸帝受禪

一東藎兩頭然河邊段聽飛上天

北齊文宣時謡

北史本紀曰文宣時謡按帝以午年生故曰馬子  
三臺石季龍舊居故曰石室三千六百日十年也  
文宣在位十  
年果如謡言

馬子入石室三千六百日

北齊廢帝時童謠三首

北史曰楊愔齊文宣時尚太原公主位至尚書令  
驃騎大將軍文宣大漸愔與侍中燕子獻黃門侍  
郎鄭子默竝受遺詔輔政時常山長廣二王位地  
親逼愔等與余朱渾天和謀欲殺奪威權由是深  
相疎忌竝為二王所害先是童謠云云羊為愔也  
角文為用刀道人謂廢帝小名太原公主嘗作尼  
故曰阿廢姑愔子獻天和皆  
尚帝姑故曰道人姑夫云

白羊頭髦禿殺毬頭生角

羊羊喫野草不喫野草遠我道不遠打爾腦

阿麼姑禍也道人姑夫死也

白鳧謡

北史曰初孝昭之誅楊愔也謂武成云事成以汝為皇太弟及踐位乃使武成在鄴主兵立子百年為皇太子武成不平欲有異謀先是童謡云云時丞相府在城城中即舊中興寺也鳧翁謂雄雞蓋指武成小字步落稽也道人濟南王小名也打鐘言將被擊也後武成用卜者言不舉兵孝昭尋崩

武帝  
即位

中興寺內白鳧翁四方側聽聲雍雍道人聞之夜打鐘

北齊太上時童謡

千金買樂園中有芙蓉樹破家不分明蓮子隨它去

北齊後主武平初童謠

隋書五行志曰武平元年童謠按其年四月隴東王胡長仁謀遣刺客殺和士開事露反為士開所死

狐截尾你欲除我我除你

武平中童謠

隋書五行志曰武平二年童謠小兒唱訖一時拍手云殺却至七月二十五日御史中丞琅邪王儼執士開送於南臺而斬之

和士開七月三十日將你向南臺

又

隋書五行志曰是歲又有童謠七月士開被誅九月琅邪王遇害十一月趙彥深出為西州刺史

七月刈禾傷早九月喫糕正好十月洗蕩飯甕十一月  
出却趙老

後主時謠二首

北齊後主時任用祖珽陸令萱等朝政日壞周人欲圖之然畏斛律光之武勇因為謠言聞於齊會先欲去珽等遂以謠言奏帝併續第二首末二句于是誅光周遂滅齊今按百升者斛也明月光字

也高山謂齊齊姓高也盲老公謂珽珽先因  
罪失明也饒舌老母謂令萱令萱本婦人也

百升飛上天明月照長安

高山不摧自崩櫛木不扶自舉盲老公背受大斧饒舌

老母不得語

北史亦載此謠云高山崩櫛樹舉盲  
老公背上下大斧多事老母不得語

武平末童謠

隋書五行志曰武平末有童謠時穆后母子淫辟  
干預朝政時人患之穆后小字黃花尋逢齊亡欲  
落之  
應也

黃花勢欲落清尊但滿酌

北齊末鄴中童謠

隋書五行志曰北齊末鄴中有童謠未幾齊為周所滅周都關中故云西家也

金作掃帚玉作把淨掃殿屋迎西家

蘇宋歌

北史曰宋世軌齊天保中為大理少卿執獄寬平多所全濟大理正蘇珍之以平幹知名時人以為

二絕寺

中語曰

決定嫌疑蘇珍之視表見裏宋世軌

裴讓之歌



北史曰河中裴讓之  
還主客郎省中語曰

能賦詩裴讓之

陽休之好學愛文藻時人為之語曰能賦詩陽休之

陸叟歌

北齊陸叟於五經最精熟館中謂之石經人語曰

五經無對有陸叟

古詩紀卷一百二十一

欽定四庫全書

古詩紀卷一百二十二

明 馮惟訥 撰

北周第一

明帝

姓宇文氏諱毓文帝長子魏大統中封寧都郡公周閔帝受禪進柱國岐州刺史及閔帝廢朝

遷乃迎立之  
在位四年

貽韋居士

英華作招隱士  
逍遙公韋叟

北史曰韋叟字敬遠杜陵人志尚簡澹州郡徵辟並不就周文帝經綸王業側席禮聘竟不能屈時人號為居士明帝即位禮敬愈厚乃為詩以貽之  
叟答詩願時朝謁帝大悅敕有司日給酒一升號

曰逍  
逸公

六爻貞遯世三辰光少微頽陽去猶

英華作讓逾

遠滄洲遂

一作去

不歸風動秋蘭佩香飄蓮葉衣坐石窺仙洞乘槎

下釣磯崩松千仞直巖泉百丈飛聊登平樂觀遙想首陽薇儻能同四隱來參余萬機

過舊宮

北史曰明帝二年九月丁未行幸同州故宅賦詩

玉燭調秋氣金輿歷舊宮還如過白水更似入新豐秋

潭漬晚菊寒井落踈桐舉杯延故老今聞歌大風

和王襄詠摘花

玉椀承花落花落椀中芳酒浮花不沒花含酒更香

趙王招

字豆盧突文帝第七子幼聰穎博涉羣書好屬文學庾信體武成初封趙國公歷大司馬

進爵為王隋文將遷周鼎招欲圖之會謀泄隋文陷以謀反見害國除

從軍行

遼東烽火照甘泉薊北亭障接燕然水凍菖蒲未生節  
關寒榆莢不成錢

滕王道

字爾固突文帝第十三子初封滕國公大象元年詔以荊州新野郡邑萬戶為滕國道出

就國二年朝京師為隋文帝所害國除

至渭源

渭源奔禹穴輕瀾起客亭淺淺

平聲

滿澗響蕩蕩竟川鳴

潘生稱運石馮子聽波聲斜去臨天半橫來對始平合  
流應不雜方知性本清

蕭撝

字智遐梁安成王秀之子封永豐侯歷黃門侍

郎及侯景作亂從武陵王紀為征西大將軍守成都以周文帝見討遂歸西魏授侍中武帝時為文學博士歷少傅改封蔡陽郡公

嬌婦吟

寒夜靜房攏孤妾思偏叢悲生聚紺黛淚下浸妝紅  
恨縈心裏含啼歸帳中會須明月落那忍見牀空

日出行

昏昏隱遠霧團團乘陣雲正值秦樓女含嬌酬使君

勞歌

百年能幾許公事罷平生寄言任立政誰憐李少卿

和梁武陵遙望道館

神境流精闕仙居紫翠房今有尋真地迤邐麗通莊九  
柱含虬重三臺飾夜光金輝碧海桃玉笈紫書方拂筵  
青鳥集吹簫白鳳翔履歸堪是驚石在詎非羊煙霞四  
照葉風月五名香於茲喜臨眺願得假霓裳

上蓮山

獨邁青蓮嶺起竒紫蓋峯挂流遙似鶴插石近如龍沙  
崩聞韻鼓霜落候鳴鐘飛花滿叢桂輕吹起修筇石蒲  
今尚有採摘更相逢

宗懔字元懔南陽涅陽人居江陵元帝鎮荊州時以  
為記室帝即位累遷吏部尚書及江陵平入闕

拜車騎大將軍儀同三司

### 和歲首寒望

旅騎出平原鉦鏡遍野喧接里開都邑連車駐小門  
稻車迴故塢獵馬轉新村古碑空戴石山龕未上幡所言  
春不至未有桃花源

### 早春

昨暝春風起今朝春氣來鶯鳴一兩嘯花樹數重開散



粉成初蝶剪綠作新梅遊客傷千里無暇上高臺

春望

律祖作陳  
後主者非

日暮春臺望純倚愛餘光都尉新移棗司空始種楊一  
杖猶挂馥十步有蘭香望望無萱草忘憂竟不忘

麟趾殿詠新井

當為醴泉出先令浪井開銅新九龍殿石勝凌雲臺

瑞應

圖曰王者清淨則浪井出魚蔡魏畧曰明帝九龍殿前  
為玉井綺欄朱超與凡書曰凌雲臺上有浪井望之幽  
然以石投之  
許久方聞

宗羈

登渭橋

仲山朝飲馬還生渭橋中南瞻臨別館北望盡離宮四  
面衣裾合三條冠蓋通蘭香想和季雲起憶成公圯上  
相知早鷄鳴幸共同

圯音夷楚人  
謂橋為圯

宇文昶

陪駕幸終南山

克蓋臨河潁漢蹕踐華嵩日旂一作旌迴北鳳星旆轉南

鴻青雲過宣曲先驅背射熊金桴拂泉底玉琯吹雲中  
古轍稱難極新途或易窮煙生山欲盡潭淨水恆空交  
松上連霧修竹下來風仙才道無別靈氣法能同東棗  
羞朝座西桃獻夜宮詔令王子晉出對浮丘公

康孟

初學記云隋康孟然  
隋無趙王故列於此

詠日應趙王教

金烏升曉氣玉檻漾晨曦先汎扶桑海返照若華池洛  
浦全開鏡衡山半隱規相懽承愛景共惜寸陰移

徐謏

短歌行二首

樂府作一首

窮通皆是運榮辱豈關身不願門前客看時逢故人  
意氣青雲裏爽朗煙霞外不羨一囊錢惟重心襟會


高琳

字季珉其先高麗人仕於燕後歸魏賜姓羽真氏入周累官江陵副總管進位柱國

宴詩

北史本傳曰武成三年討平文州氏師還帝宴羣公卿士仍賦詩言志琳詩末章云云帝大悅曰獯  
豷陸梁末時歎塞卿  
言有驗國之福也

寄言竇車騎為謝霍將軍何以報天子沙漠靜妖氛



古詩紀卷一百二十二

欽定四庫全書

集部

古詩紀卷一百二十三

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣孟照

欽定四庫全書

古詩紀卷一百二十三

明 馮惟訥 撰

北周第二

王褒

字子深琅邪臨沂人儉之曾孫規之子也仕梁

歷吏部尚書右僕射荆州破入長安授車騎大將軍明帝即位篤好文學時褒與庾信才名最高

特加親待尋加開府儀同三司武帝時為太子少保遷少司空出為宜州刺史

樂府

關山篇

以下五言

從軍出隴阪驅馬度關山  
關山恒掩藹高峯白雲外  
遙望秦川水千里長如帶  
好勇自秦中意氣多英雄  
少年便習戰十四已從戎  
遼水深難渡榆關斷未通

從軍行二首

兵書久閑習征戰  
數曾經講戎平樂觀學戲

一作覽

羽林

亭西征度踈勒東驅出井陘  
牧馬濱長渭營軍毒上涇  
平雲如陣色半月類城形  
羽書封信璽詔使動流星  
對岸流沙白綠河柳色青  
將幕恒臨斗旌門常背邢  
勳封



瀚海石功勒燕然銘兵勢因麾下軍圖送掖庭誰憐下  
玉筋向暮掩金屏

黃河流水急驄馬遠征人谷望河陽縣橋渡小平津年  
少多遊俠結交好輕身代風愁攄馬胡霜宜角筋羽書  
勞警急邊鞍倦苦辛康居因漢使盧龍稱魏臣荒戍惟  
看柳邊城不識春男兒重意氣無為羞賤貧

長安有狹邪行

威

一作  
遠

紆狹邪道車騎動相喧博徒稱劇孟遊俠號王

孫勢傾魏侯府交盡翟公門  
路邪勞夾轂塗艱倦折轅  
日斜宣曲觀春還御宿園  
塗歌楊柳曲巷飲榴花樽  
獨有遊梁倦一作容還守孝文園

飲馬長城窟

北走長安道征騎每經過  
戰垣臨八陣旌門對兩和屯  
兵戍隴北飲馬傍城阿  
雪深無復道冰合不生波  
塵飛連陣聚沙平騎跡多  
昏昏墮坻月耿耿霧中河  
羽林猶角觝將軍尚雅歌  
臨戎常拔劍蒙險屢提戈  
秋風鳴馬

首薄暮欲如何

輕舉篇

天地能長久神仙壽不窮  
白玉東華檢方諸西岳童  
俄瞻少海北暫別扶桑東  
俯觀雲似蓋低望月如弓  
看棊城邑改辭家墟巷空  
流珠餘舊竈種杏發新叢  
酒釀瀛洲玉劍鑄昆吾  
銅誰能攬六博還當訪井公

凌雲臺

高臺懸百尺中夕殊未窮  
北臨酸棗寺西眺明光宮  
城

傍抵雙府林裏對相風書題鹿盧榜觀寫飛廉銅牕開  
神女電梁映美人虹虞捐濫天寵鄭督特懷忠莊生垂  
翠鈞昭儀拒一作抵關熊馳輪有盈缺人道亦汙隆還念  
西陵舞非復鄴城中

出塞

一作塞  
下曲

飛蓬似征客千里自長驅塞禽唯有鴈關樹但生榆背  
山看故壘繫馬識餘蒲還因麾下騎來送月支圖

三齊  
略記

秦始皇至東海蟠蒲繫馬  
至今其地蒲生皆糾結

入塞

戍久風塵色  
勳多意氣豪  
建章樓閣迴  
長安陵樹高度  
冰傷馬骨經  
寒墜節旄行  
當見天子無  
假用錢刀

關山月

關山夜月明  
秋色照孤城  
影虧一作半形  
同漢陣輪滿一作全影

逐胡兵  
天寒光轉白  
風多暈欲生  
寄言亭上吏  
遊客解  
鷄鳴

長安道

槐衢四北第馳道度西宮樹陰連袖色塵影雜衣風採  
桑逢五馬停車對兩童喧喧許史座鐘鳴賓未窮

陌上桑

人傳陌上桑未曉已含光重重相蔭映軟弱自芬芳秋  
胡始倚馬羅敷未滿筐春蠶朝已老安得久彷徨

明君詞

蘭殿辭新寵椒房餘故情鴻飛漸南陸馬首倦西征寄  
書參漢使街涕望秦城唯餘馬上曲猶作出關聲

遊俠篇

英華作  
俠客行

京洛出名謳豪俠競交遊河南期四姓關西謁五侯聞  
鷄橫大道走馬出長楸桑陰徙將夕槐路轉淹留

古曲

一作  
雜曲

青樓臨大道遊俠盡

一作  
任

淹留陳王金被馬秦女桂為

鈎馳輪洛城巷鬪鷄南陌頭薄暮風塵起聊為清夜遊

高句麗

六言

蕭蕭易水生波燕趙佳人自多傾盃覆盃漣漣垂手奮

袖婆婆不惜黃金散盡只畏白日蹉跎

燕歌行

七言

北史本傳曰哀作燕歌妙盡塞北苦寒之狀元帝及諸文士和之而競為悽切及江陵為魏師所破

元帝出降

方驗焉

初春麗景一作日鶯欲嬌桃花流水沒河橋薔薇花開百

重葉楊柳拂地數千條隴西將軍號都護樓蘭校尉稱

嫖姚自從昔別春燕分經年一去不相聞無復漢地關

山月

一作長安月

唯有漠北薊城雲淮南桂中明月影流黃



機上織成文充國行軍屢築營陽史討虜陷平城城下  
風多能却陣沙中雪淺詎停兵屬國小婦猶年少羽林  
輕騎數征行遙聞陌頭採桑曲猶勝邊地胡笳聲胡笳  
向暮使人泣長望一作閨中空佇立桃花落地杏花舒  
桐生井底寒葉踈試為來看上林鴈應有遙寄隴頭書

日出東南隅行 以下雜言

曉星西北沒朝日東南隅陽窓臨玉女蓮帳照金鋪鳳  
樓稱獨立絕世良所無鏡懸四龍網枕畫七星圖銀鏤

明光帶金地織成襦調弦大垂手歌曲鳳將雛採桑三  
市路賣酒七條衢道逢五馬客夾轂來相趨將軍多事  
勢夫聳好形模高箱照雲母壯馬飾當顧單衣火浣布

利劍水精珠自知心所愛仕宦執金吾飛甍彫翡翠

玉臺

作翠羽繡榻畫屠蘇銀燭附彈映雞羽黃金步搖動襜褕

兄弟五日時來歸高車竟道生光輝名唱兩行堂上起  
鴛鴦七十階前飛少年任俠輕年月珠丸出彈遂難追

牆上難為趨

昔稱梁孟子魚聞魯孔丘訪政聊為述問陳豈相誚末  
代多僥倖卿相盡經由臺郎百金價台司千萬求當朝  
少直筆趨代皆曲鈎廷尉十年不得調將軍百戰未封侯  
夜伏擁門作常伯自有蒲萄得涼州白璧求善價明珠  
難暗投高墻不可踐井水自難浮風胡有年歲銛利比

吳鈎

詩

九日從駕

以下五言

黃山獵地廣青門官路長律改三秋節氣應九鍾霜曙  
影初分地暗色始成光高旆長楸坂緹幕杏間堂射馬  
垂雙帶豐貂佩兩璜苑寒梨樹紫山秋菊葉黃華露霏  
霏冷輕颺颺涼終慙屬車對空假侍中郎

入朝守門開

梁簡文有守  
東華門開詩

鳳池

一作  
直城

通複道嚴駕早凌晨鐵符行警曙銀燄未開

闈塹暗城無影晴新路不塵屯兵引畫劍騎吹動班輪  
徒知仰睿藻抽辭殊未申

贈周處士

我行無歲月征馬屢盤桓  
峭曲三危岨闕重九折難猶  
持漢使節尚服楚臣冠  
巢禽疑上幕驚羽畏虛彈  
飛蓬去不已客思漸無端  
壯志與時歇生年隨事闕  
百齡悲促命數刻念餘歡  
雲生隴坻黑桑疎薊北  
寒鳥道無蹊徑清漢有波  
瀾思君化羽翮要我鑄金丹

別陸子雲

藝文作別  
陸才子

解纜出南浦征棹且凌晨  
還看分手處唯餘送別人  
中

流搖葢影邊江落騎塵平湖開曙日細柳發新春滄波  
不可望行雲脚共因

奉和趙王途中五韻

庾信集亦  
載此首

飄飄映車幕出沒望連旗度雲還翊陣迴風即送師峽  
路沙如月山峯石似眉村桃拂紅粉岸柳被青絲錦城  
遙可望迴鞍念此時

和張侍中看獵

上林冬狩返回中講射歸還登宣曲觀更獵黃山圍巖

冬桑柘慘寒霜馬騎肥縹盧隨兔起高鷹接雉飛獨嗟  
來遠客辛苦倦邊衣

和庾司水修渭橋

東流仰天漢南渡似牽牛長堤通甬道飛梁跨造舟使  
者開金堰太守擁河流廣陵候濤水荆峽望陽侯波生  
從故舶沙漲湧新洲天星識辯對檢玉應沈鈎空悅浮  
雲賦非復採蓮謳

玄圃瀆池臨泛奉和

長洲春水滿臨汎廣川中石壁如明鏡飛橋類飲虹垂  
揚夾浦綠新桃綠徑紅對樓還泊岸迎波暫守風漁舟  
釣欲滿蓮房採半空於茲臨北闕非復坐墻東

和從弟祐山家二首

採藥名山頂時節無春冬散雲非一色連嶽異衆峯合  
沓似無徑間闕定有蹤山窓臨絕頂檐溜俯危松空林  
鳴暮雨虛谷應朝鍾仙童時可遇羽客屢相逢若值韓  
衆藥當御長房龍



結交非俗士仙侶自招携少華隱日月太乙尋虹霓衆  
林積為籟園竹茂成埤幽谷曙無景荒途晝欲迷滴瀝  
寒泉溜叫嘯秋猿啼白雲帝鄉起神禽丹穴栖箭篠時  
通徑桃李復成蹊今身得其所羣物可令齊

詠鴈

伺潮聞曙響妬壘有春翬豈若雲中鴈秋時塞外歸河  
長猶可涉海濶故難飛霜多聲轉急風踈竹屢稀園池  
若可至不復怯虞機

送觀寧侯葬

蒙羽高峻極淮泗導清源刑茅廣裂地跗萼盛開蕃紛  
綸彤馥彩從容瓊玉溫衝颺搖柏榦烈火壯曾崑疇昔  
同羈旅辛苦涉涼暄觀風方聽樂垂淚遽傷魂造舟虛  
容禮高閑掩賓垣桂樹思公子芳草惜王孫今晨向郊  
郭猶似背輶轅丹旒書空位素帳設虛樽楚琴南操絕  
韓書舊說存西靡傷新樹東陵惜故園自憐悲谷影彌  
愴一作念玉關門餘輝盡天末夕霧擁一作起山根平原看

獨樹臯亭望列村寂寥還益靜荒茫歸路昏  
挽鐸已流  
唱歌童行自喧  
嗟言千載後誰將遊九原

送劉中書葬

昔別傷南浦今歸去北邙  
書生空託夢久客每思鄉  
塞近邊雲黑塵昏野日黃  
陵谷俄遷變松栢易荒涼  
題銘無復迹何處驗龜長

別王都官

連翩憫流客悽愴惜離羣  
東西御溝水南北會稽雲  
河

橋兩堤絕橫歧數路分山川遙不見懷袖遠相聞

送別裴儀同

河橋望行旅長亭送故人沙飛似軍幕蓬卷若車輪邊

衣苦霜雪愁

一作秋

貌損風塵行路皆兄弟千里念相親

渡河北

范詩類選作  
范雲者非

秋風吹木葉還似洞庭波常山臨代郡亭障繞黃河心

悲異方樂腸斷隴頭歌薄暮臨征馬失道北山阿

詠月贈人

月色當秋夜斜暉映薄帷上弦如半壁初魄似蛾眉渡  
雲光忽駛中天影更遲高陽懷許掾對此益相思

和殷廷尉歲暮

歲晚悲窮律他鄉念索居寂寞灰心盡推殘生意餘  
空交道絕財殫密親踈空悲趙壹賦還著虞卿書

看鬪雞

蹊蹠始橫行意氣欲相傾妬敵金芒起猜羣芥粉生  
入場疑挑戰逐退似追兵誰知函谷下人去獨開城

彈棊

投壺生電影六博值仙人何如鏡奩上自有拂輕巾隔  
澗疑將別隴頭如望秦握筆徒思賦辭短竟無陳

從駕北郊

維皇敬明祀望拜出河東地靈開複道營星發紫宮衡  
街響清蹕偵候起相風森沉羽林騎肅穆虎賁弓

和趙王隱士

庾信  
同賦

鳧鵠均長短鵬鷄共逍遙清襟蘊秀氣虛席滿風颺斷

絃惟續葛獨酌止傾瓢  
菖蒲九重節桑薪七過燒

始發宿亭

送人亭上別被馬櫪中嘶  
漠漠村煙起離離嶺樹齊  
落星侵曉沒殘月半山低

闕

山池落照

竹館掩荆扉池光晦晚暉  
孤舟隱荷出輕棹淅苔歸  
浴禽時侶竄驚羽忽單飛

闕

詠霧應詔

七條開早陌五里闌朝氛帶樓疑海氣含益似浮雲方  
從河水上預奉綠圖文

入關故人別

百年餘古樹千里闌黃塵關山行就近相看成遠人

過藏經道館

松古無年月鵠去復來歸石壁藤為路山窻雲作扉

明慶寺石壁

夏水懸臺際秋泉帶雨餘石生銘字長山久谷神虛



雲居寺高頂

中峯雲已合絕頂日猶晴  
色居隨望近風煙對眼生

詠定林寺桂樹

歲餘彫晚葉年至長  
新圍月輪三五映烏生八九飛

釋亡名

俗姓宋氏南郡人本名闕弱齡遁世吟嘯丘壑長富才華事梁元帝深見禮待梁亡遠客

岷蜀會周氏跨有井絡齊王鎮蜀素加禮供秩滿  
還雅遂勒歸謁帝朝省總議將徵拔之然雅亮卓  
然曾無易節多所著  
述有集十卷行於世

五苦詩

生苦

可患身為患生將憂共生心神恒獨苦寵辱橫相驚朝  
光非久照夜燭幾時明終成一聚土強覓千年名

老苦

少日欣日益老至苦年侵紅顏既罷豔白髮寧久吟階  
庭唯仰杖朝府不勝簪甘肥與妖麗徒有壯時心

病苦

拔劍平四海橫戈却萬夫一朝牀枕上迴轉仰人扶壯

色隨肌減呻吟與痛俱綺羅雖滿目愁眉獨向隅

死苦

可惜凌雲氣忽隨朝露終長辭白日下獨入黃泉中池  
臺既已沒墳隴向應空唯當松柏裏千年恒勁風

愛離

誰忍心中愛分為別後思幾時相握手嗚噎不能辭雖  
言萬里隔猶有望還期如何九泉下更無相見時

五盛陰

佛書有五陰譬喻謂以聚沫喻色水中泡喻痛熱時燄喻想芭蕉喻行幻喻識言皆空虛也

先去非長別後來非久親新墳將舊塚相次似魚鱗茂陵誰辨漢驪山詎識秦千年與昨日一種併成塵定知今世土還是昔時人焉能取他骨復持埋我身

無名法師

過徐君墓

延陵上國返枉道訪徐公死生命忽異懽娛意不同始往印山北聊踐平陵東徒解千金劍終恨九泉空日盡

荒郊外煙生松柏中何言愁寂寞日暮白楊風

尚法師

飲馬長城窟

長城征馬度橫行且勞羣入冰穿凍水飲浪聚流文澄  
鞍如清月照影若流雲別有長松氣自解逐將軍

古詩紀卷一百二十三

欽定四庫全書

古詩紀卷一百二十四

明 馮惟訥 撰

北周第三

庾信

字子山新野人幼而俊邁博覽羣書父肩吾為梁太子中庶子東海徐摛為左衛率摛子陵及

信並為抄撰學士父子東宮出入禁闥詩文並綺  
豔故世號為徐庾體焉信累遷通直散騎常侍聘  
于東魏文章辭令甚為鄴下所稱梁元帝稱制除  
御史中丞及即位轉右衛將軍聘于西魏屬大將  
軍南討留長安累遷開府儀  
同三司尋徵司宗中大夫卒

樂府

對酒歌

以下五言 文苑英華作范雲

春水望桃花春洲藉芳杜琴從

一作隨

綠珠借酒就文君

取牽馬

一作牛

向渭橋日曝

一作落

山頭晡山簡接離倒王

戎如意舞箏鳴金谷園笛韻平陽塢人生一百年歡笑  
惟三五何處覓錢刀求為洛陽賈

昭君辭應詔

玉臺作明君詞

歛眉光祿塞還望夫人城片片紅顏落雙雙淚眼生冰  
河牽馬渡雪路抱鞍行胡風入骨冷夜月照心明方調



馬上曲變入

一作

胡笳聲

王昭君

玉臺作  
昭君詞

拭啼辭戚里，回顧望昭陽。  
鏡失菱花影，釵除却月梁。  
圍腰無一尺，垂淚有千行。  
綠衫一作衫身承馬汗，紅袖拂秋霜。  
別曲真多恨，哀絃須更張。

出自薊北門行

薊門還北望，役役盡傷情。  
關山連漢月，隴水向秦城。  
笳寒蘆葉脆，弓凍紵弦鳴。  
梅林能止渴，複姓可防兵。  
將軍

朝挑戰都護夜巡營燕山猶有石須勒幾人名

結客少年場行

結客少年場春風滿路香歌撩李都尉果擲潘河陽隔

一作折花遙勸酒就水更移牀今年喜夫婿新拜羽林郎

定知劉碧玉偷嫁汝南王

道士步虛詞十首

渾成空教立元始正圖開赤玉靈文下朱陵真氣來中  
天九龍館倒影八風臺雲度弦歌響星移宮殿迴青衣

上少室童子向蓬萊逍遙開四會倏忽度三災

無名萬物始有道百靈初寂絕乘丹氣玄明上玉虛三元隨建節八景逐迴輿赤鳳來銜璽青鳥入獻書壞机仍成机枯魚還作魚栖心浴日館行樂止雲墟

凝真天地表絕想

一作相

寂寥前有象猶虛豁忘形本自

然開經壬子世

一作歲

值道甲申年迴雲隨舞曲流水逐

歌弦石髓香如飯芝房脆似蓮停鸞讌瑤水歸路上鴻

天

道生乃太乙守靜即玄根中和煉九氣甲子謝三元居  
心善受水教學重香園鳧留報關吏鶴去畫城門更以  
忻無迹還來寄絕言

洞靈尊上德虞石會明真要妙思玄牝虛無養谷神丹  
丘乘翠鳳玄圃御斑麟移梨付苑吏種杏乞山人自此  
逢何世從今復幾春海無三尺水山成數斗塵

東明九芝益北燭五雲車飄颻入倒景出沒上煙霞春  
泉下玉溜青鳥上金華漢帝看桃核齊侯問棗花上元

應送酒來向蔡經家

石刻云應逐上元酒同來訪蔡家  
陝西藩司有石刻書書此及北

闕臨玄水二首字畫奇勁或出庾公  
筆也題云謝靈運書乃後人妄擬爾

歸心遊太極迴向入無名五香芬紫府千燈照赤城鳳

林採珠寶龍

一作春

山種玉榮夏簧三舌響

一作夏笛  
三山響

春

鍾九乳鳴絳河應遠別黃鵠來相迎

北闕臨玄水南宮生絳雲龍泥印玉策大火煉真文上

元風雨散中天歌吹分靈駕千尋上空香萬里聞

舊本闕作

閣生作坐大作天  
今從石刻正之

地鏡堦基遠天窗影迹深碧玉成雙樹空青為一林  
鷓巢堪煉石蜂房得煮金漢武多驕慢淮南不小心蓬萊  
入海底何處可追尋

麟洲一海濶玄圃半天高浮丘迎子晉若士避盧敖經  
飡林慮李舊食綏山桃成丹須竹節刻髓用盧刀無妨  
隱士去即是賢人逃

烏夜啼

桂樹懸知遠風竿詎肯低獨憐明月夜孤飛猶未棲  
虎

責誰見惜御史詎相攜雖言入弦管終是曲中啼

怨歌行

以下  
六言

家住金陵縣前嫁得長安少年回頭望鄉淚落不知何  
處天邊胡塵幾日應盡漢月何時更圓為君能歌此曲  
不覺心隨斷弦

舞媚娘

朝來戶前照鏡含笑盈盈自看眉心濃黛直點額角輕  
黃細安祗疑落花慢去復道春風不還少年唯有歡樂

飲酒那得留殘

烏夜啼

以下  
七言

促柱繁弦非子夜  
歌聲舞態異前溪  
御史府中何處宿  
洛陽城頭那得棲  
彈琴蜀郡卓家女  
織錦秦川竇氏妻  
詎不自驚長淚落  
到頭啼烏恒夜啼

燕歌行

代北雲氣晝昏昏  
千里飛蓬無復根  
寒鴈嗷嗷渡遼水  
桑葉紛紛落薊門  
晉陽山頭無箭竹  
踈勒城中乏水源



屬國征戍久離居  
陽關音信絕復踈  
願得魯連飛一箭  
持寧思歸燕將書  
渡遼本自有將軍  
寒風蕭蕭生水紋  
妾驚甘泉足烽火  
君訝漁陽少

一作多

陣雲自從將軍出

細柳蕩子空牀難  
獨守盤龍明鏡餉  
秦嘉辟惡生香寄  
韓壽春分燕來能  
幾日二月蠶眠不  
復久

五臺作不能食

洛陽

遊絲百丈連黃河  
春冰千片穿桃花  
顏色好如馬榆筴  
新開巧似錢蒲桃  
一杯千日醉無事  
九轉學神仙定取  
金丹作幾服能令  
華表得千年

楊柳歌

河邊楊柳百丈枝，別有長條踈地垂。  
河水衝激根株危，倏忽河中風浪吹。  
可憐巢裡鳳凰兒，無故當年生別離。  
流槎一去上天池，織女支機當一作將見隨。  
誰言從來蔭

數國直用東南一小枝，昔日公子出南皮。  
何處相尋玄武陂，駿馬翩翩西北馳。  
左右彎弧仰月支，連錢障泥渡水騎。  
白玉手板落盤螭，君言丈夫無意氣。  
試問燕山那得碑，鳳凰新管簫史吹。  
朱鳥春窻玉女窺，銜雲酒盃赤

瑪瑙照日食螺紫琉璃百年霜露奄離披一旦功名不  
可為定是懷王作計誤無事翻覆用張儀不如飲酒高  
陽池日暮歸時倒接離武昌城下誰見移官渡營前那  
可一作知獨憶飛絮鷺毛下非復青絲馬尾垂欲與梅  
花留一曲共將長笛管中吹

古詩紀卷一百二十四

欽定四庫全書

古詩紀卷一百二十五

明 馮惟訥 撰

北周第四

庾信 二

詩

奉和泛江

藝文作王臺卿  
以下五言

春江下白帝畫舸向黃牛  
錦纜回沙磧蘭橈避荻洲  
濕花隨水泛空巢  
逐樹流建平船柂  
下荆門戰艦浮岸社

多喬木山城足迴樓日落江風靜龍吟迴上游

奉和山池

梁簡文有  
山池詩

樂宮多暇豫望苑暫迴輿鳴笳陵絕浪飛蓋厯通渠  
桂亭花未落桐門葉半踈荷風驚浴鳥橋影聚行魚  
日落含山氣雲歸帶雨餘

陪駕幸終南山和宇文內史

玉山乘四載瑤池宴八龍  
黿橋浮少海鷓益上中峰飛  
孤橫塞路白馬當河衝水莫三川石山封五樹松長虹

雙瀑布圓闕兩芙蓉  
戍樓鳴夕鼓  
山寺響晨鍾  
新蒲節轉促  
短筍籜猶重  
樹宿含櫻鳥  
花留釀蜜蜂  
迎風下列缺  
灑酒召昌容  
且欣陪北上  
方欲待東封

和宇文內史春日遊山

遊客值春輝  
金鞍上翠微  
風逆花迎面  
山深雲濕衣  
鴈持一足倚  
猿將兩臂飛  
戍樓侵嶺路  
山村落獵圍  
道士封君達  
仙人丁令威  
煮丹於此地  
居然未肯歸

遊山

一作遊山

聊登玄圃殿更上增城山不知高幾里低頭看世間唱  
歌雲欲聚彈琴鶴欲舞澗底百重花山根一片雨婉婉  
藤倒垂亭亭松直豎

和宇文京兆遊田

小苑禁門開長楊獵客來懸知畫眉罷走馬向章臺澗  
寒泉反縮山晴雲倒回熊饑自舐掌鴈驚獨銜枚美酒  
餘杭醉一作芙蓉即奉盃

奉報寄洛州



舟師會孟津甲子陣東隣雷轅驚戰鼓劍室動金神幕  
府風雲氣軍門關塞人長旂析鳥羽合甲抱犀鱗星芒  
一大燄月暈七重輪黎陽水稍渌官渡柳應春無庸奉  
天睭驅傳牧南秦繁詞勞簡牘雜俗弊風塵上洛逢都  
尉商山見逸民留滯終南下唯當一史臣

奉報窮秋寄隱士

詩彙作王  
襄詩非也

王倪逢嚙缺桀溺耦長沮藜床負日卧麥隴帶經鋤自  
然曲木几無名科斗書聚花聊飼雀穿池試養魚小村

治澁路低田補壞渠秋水牽沙落寒藤抱樹踈空枉平  
原騎來過仲蔚廬

上益州上柱國趙王二首

銅梁影棠樹石鏡寫褰帷兩江如瀆錦雙峰似畫眉穿  
荷低晚葢衰柳掛殘絲風流盛儒雅泉湧富文詞無因  
同子淑暫得侍臨淄

寂寞歲陰窮蒼茫雲貌同鶴毛飄亂雪車轂轉飛蓬鴈  
歸知向暖鳥巢解背風寒沙兩岸白獵火一山紅願想

懸鵜結時嗟陋巷空

謹贈司寇淮南公

危邦久亂德天策始乘機九河聞誓衆千里見連旂號  
亡垂棘返齊平寶鼎歸久弊風塵俗殊勞闕塞衣絆驥  
還千里垂鵬更九飛猶憐馬齒進應念節旄稀迴軒入  
故里園柳始依依舊竹侵行徑新桐益幾圍寒谷梨應  
重秋林粟更肥美酒還參聖雕文本入微促歌迎趙瑟  
遊弦召楚妃小人司刺舉明敷

集作時

實濫吹南部治都

尉軍謀假建威商山隱士石

一作宅

丹水鳳凰磯野亭長

被馬山城早掩扉傳呼擁絳節交戟映彤闈遂令忘楚  
操何但食周薇三十六水變四十九條非丹竈風煙歇  
年齡蒲柳衰同僚敢不盡疇日懼難追

正旦上司憲府

詰旦啓門闌繁辭湧筆端蒼鷹下獄吏獬豸飾刑官司  
朝引玉節盟載捧珠盤窮紀星移次歸餘律未殫雪高  
三尺厚冰深一丈寒短笋猶埋竹香心未啟蘭孟門久

失路扶搖忽上搏，栖鳥還得府棄馬。復歸欄紫華名義，  
重虛薄報恩難。枚乘還起疾，貢禹遂彈冠。方垂蓮葉劍，  
未用竹根丹。一知懸象法，誰思垂釣竿。

任洛州酬薛文學見贈別

子居河之曲，英彥本連蹤。鹽形或變虎，鼎氣乍成龍。若  
人承載德，宮墻定數重。五衢開辯路，四照起文鋒。曰余  
濫推轂，民願始天從。上洛分都尉，弘農開附庸。羊腸連  
九阪，熊耳對雙峯。白石仙人芋，青林隱士松。北梁送孫

楚西堤別葛龔故人倘書札黎陽土足封

將命至鄴酬祖正員

我皇臨九有聲教洎無隄興文盛禮樂偃武息氓黎承

乏驅騏驥旌旗事琬珪

一作旌旃  
事鼓鼙

古碑文字盡荒城年

代迷被隴文瓜熟交媵香穗低投瓊實有慰報李更無  
蹊

將命至鄴

按本傳信在梁為通直散騎常侍聘  
于東魏文章辭令甚為鄴下所稱

大國修聘禮親鄰自此敦張壇事原隰負宸報成言西  
過犯霜露北指度輟轅交歡值公子展禮覲王孫何以  
譽嘉樹徒欣賦采繁四牢盈折俎三獻滿巵樽人臣無  
境外何由欣此言風俗既殊阻山河不復論無因旅南  
館空欲祭西門眷然惟此別夙期幸共存

入彭城館

襄君前建國項氏昔稜威鴟飛傷楚戰鷄鳴悲漢園年  
世一作代殊氓俗風雲更盛衰水流浮磬動山喧雙翟飛

金剛山  
卷一百二十五  
夏餘花欲盡秋近鷺將稀  
槐庭垂綠穗蓮浦落紅衣  
徒知日云暮不見舞雩歸

同州還

赤岸繞新村  
青城臨綺門  
范睢新入相  
穰侯始出蕃  
上林催獵響  
河橋爭渡喧  
竄雉飛橫澗  
藏狐入斷原  
將軍高宴晚  
來過青竹園

從駕觀講武

校戰出長楊  
兵欄入闢場  
置陣橫雲起  
開營鴈翼張  
門



嫵磁石礙馬畏鐵菱傷龍淵觸牛斗繁弱駭天狼落星  
奔驥騶浮雲上駟驢急風吹戰鼓高塵擁貝裝駭猿時  
落木驚鴻屢斷行樹寒條更直山枯菊轉芳一作香豹略  
推全勝龍圖揖所長小臣欣寓目還知奉會昌

奉報趙王出師在道賜詩

上將出東平先定下江兵彎弓一作孤伏石動振鼓沸沙

鳴橫海將軍號長風駿馬名雨歇殘虹斷雲歸一鴈征  
暗巖朝石濕空山夜火明低橋澗底渡狹路花中行錦

車同建節魚軒異泊營軍中女子氣塞外夫人城小人  
乖攝養歧路阻逢迎幾月芝田熟何年金竈成哀笳闕  
塞曲嘶馬別離聲王子身為寶深思不倚衡

和趙王送峽中軍

樓船聊習戰白羽試撝軍山城對却月岸陣抵平雲赤  
虵懸弩影流星抱劍文胡笳遙警夜塞馬暗嘶羣客行  
明月峽猿聲不可聞

奉和趙王途中五韻

藝文云王褒作庾  
集載此疑誤收也

飄飄映車幕，出沒望連旗。  
度雲還翊陣，迴風即送師。  
峽路沙如月，山峯石似眉。  
村桃拂紅粉，岸柳被青絲。  
錦城遙可望，迴鞍念此時。

侍從徐國公殿下軍行

八風占陣氣，六甲候兵韜。  
置府仍張幕，麾軍即秉旄。  
長旗廣臨武，烽火照成臯。  
巡寒重挾纊，酌水勝單醪。  
陣後雲逾直，兵深星轉高。  
電燄驅龍馬，山精鏤寶刀。  
塞迥翻榆葉，關寒落鴈毛。  
既得從神武，何須念久勞。

同盧記室從軍

樂府作  
從軍行

河圖論陣氣金匱辨星文中鳴鼓角天上下將軍函  
犀恒七屬絡鐵本千羣飛梯聊度絳合弩暫凌汾寇陣  
先中斷妖營即兩分連烽對嶺度嘶馬隔河聞箭飛如  
疾雨城崩似壞雲英王於此戰何用武安君

伏聞遊獵

虞旗喜旦晴獵馬向山橫石闕魚貫上山梁鴈翅行雪  
平尋兔跡林聚聽雉聲馬嘶山谷響弓寒桑柘鳴開弦

鳥自落望火獸空驚無風樹即正不凍水還平誰知茂  
陵下願入睢陽城

見征客始還遇獵

貳師新受詔長平正凱歸猶言乘戰馬未得解戎衣上  
林遇逐獵宜春正合圍漢帝熊猶憤秦王雉更飛故人  
迎借問念舊始依依河邊一片石不復肯支機

奉和闡弘二教應詔

五明教已設三元法復開魚山將鶴嶺清梵兩邊來香

煙聚為塔花雨積成臺空心論佛性貞氣辨仙才露盤

高掌滴風烏平翅迴無勞問

一作訪

待詔自識昆明灰

至老子廟應詔

虛無推馭辨寥廓本乘蜺三門臨苦縣九井對靈谿  
盛丹須竹節量藥用刀圭石似臨邛芋芝如封禪泥龍毛  
新鵠小盤根古樹低野戍孤煙起春山百鳥啼路有三  
千別途經七聖迷唯一作行當別闕吏直向流沙西

奉和趙王遊仙

藏山選採藥有道得從師京兆陳安世成都李意期玉  
京傳相鶴太乙授飛龜白石香新芋青泥美熟芝山精  
逢照鏡樵客值圍碁石紋如碎錦藤苗似亂絲蓬萊在  
何處漢后欲遙祠

奉和同泰寺浮圖

和梁簡文帝

峒峒凌太清照殿比東京長影臨雙闕高層出九城拱  
積行雲礙幡搖度鳥驚鳳飛如始泊蓮合似初生輪重  
對月滿鐸韻擬鸞聲畫水流全住圖雲色半輕一作露

晚盤猶滴珠朝火更明雖連博望苑還接銀沙城天香  
下桂殿仙梵入伊笙庶聞八解樂方遣六塵情

奉和法筵應詔

五城隣北極百雉壯西昆鈎陳橫複道閭闔抵靈軒千  
柱蓮花塔由旬紫紺園佛影胡人記經文漢語翻星窺  
朱鳥牖雲宿鳳凰門新禽解雜嚼春柳卧生根早雷驚  
蟄戶流雪長河源建始移交讓徽音種合昏風飛扇天  
辯泉湧屬絲言羈臣從散木無以豫中天中天遙可望



終類仰鵝弦

和從駕登雲居寺塔

一作和趙王  
遊雲居寺

重巒千仞塔危磴九層臺石闕恒逆上山梁乍斗迴塔  
下雲峯出窻前風洞開隔嶺鐘聲度中天梵響來平時  
欣侍從於此暫徘徊

和何儀同講竟述懷

無名即講道有動定論機

初學記  
作參微

安經讓禮席正業理

儒衣似得遊焉趣能同捨講歸石渠人少歇華陰市暫

稀秋雲低晚氣短景側餘輝螢排亂草出鴈捨斷蘆飛  
別有平陵逕蕭條客鬢衰饑噪空倉雀寒驚懶婦機實  
欣懷謏問逢君理入微謏音小

奉和趙王隱士

王良同賦

洛陽徵五隱東都別二賢雲氣浮函谷星光集潁川霸

陵採樵路

一作徑

成都賣卜錢鹿裘披暫裂藜牀坐欲穿

阮籍唯長嘯嵇康訝一弦澗險無平石山深足細泉短  
松猶百尺少鶴已千年野鳥繁弦嘒山花焰火然洞風

吹戶裡石乳滴窻前雖無亭長識終見野人傳

擬詠懷二十七首

步兵未飲酒中散未彈琴索索無真氣昏昏有俗心澗

鮒常思水驚飛

羽一作

每失林風雲能變色松竹且悲吟

由來不得意何必徃長岑

赭衣居傅巖垂綸在渭川乘舟能上月飛幟欲捫天誰  
知志不就空有直如弦洛陽蘇季子連衡不復連既無  
六國印讎思二頃田

俎豆非所習帷幄復無謀不言班定遠應為萬里侯燕  
客思遼水秦人望隴頭倡家遭強娉質子值仍留自憐  
才智盡空傷年鬢秋

楚材稱晉用秦臣即趙冠離宮延子產羈旅接陳完寓  
衛非所寓安齊獨未安雪泣悲去魯悽然憶相韓唯彼  
窮途慟知余行路難

惟忠且惟孝為子復為臣一朝人事盡身名不足親吳  
起常辭魏韓非遂入秦壯情已消歇雄圖不復申移住

華陰下終為關外人

疇昔國士遇生平知己思直言珠可吐寧知炭可

一作欲

吞一顧重尺璧千金輕一言悲傷劉孺子悽愴史皇孫  
無因同武騎歸守灞陵園

榆關斷音信漢使絕經過胡笳落淚曲羌笛斷腸歌織  
腰減束素別淚損橫波恨心終不歇紅顏無復多枯木  
期填海青山望斷河

白馬向清波乘冰欲渡河置兵須近水移營喜竈多長

坂初垂翼鴻溝遂倒戈的顛於此去虞兮奈若何空營  
衛青塚徒聽田橫歌

北臨玄菟郡南戍朱鳥城共此無期別俱知萬里情昔  
嘗遊令尹今時事客卿不特貧謝富安知死羨生懷秋  
獨悲此平生何謂平

悲歌度燕

易一作

水弭節出陽關李陵從此去荆卿不復

還故人形影滅音書兩俱絕遙看塞北雲懸想關

一作天

山雪遊子上河梁應將蘇武別

搖落秋為氣淒涼多怨情啼枯湘水竹哭壤杞梁城天  
亡遭憤戰日感值愁兵直虹朝映壘長星夜落營楚歌  
饒恨曲南風多死聲眼前一杯酒誰論身後名

周王逢鄭忿楚后值秦寃梯衝已鶴列冀馬忽雲屯武  
安檐瓦振昆陽猛獸奔流星夕照鏡烽火夜燒原古獄  
饒寃氣空亭多枉魂天道或可問微兮不忍言

橫流遘屯慝上塲結重氛哭市聞妖獸頽山起怪雲綠  
林多散卒清波有敗軍智士今安用忠臣日未聞惜無

萬金產東求滄海君

吉士長為吉善人終日善大道忽云乖生民隨事蹇有  
情何可豁忘懷固難遣麟窮季氏置虎振周王罔平生  
幾種意一旦衝風卷

六國始咆哮縱橫未定交欲競連城玉翻徵縮酒茅析

骸猶換子登爨已懸巢壯冰

水一作

初開地盲風正折膠

輕雲飄馬足明月動弓弰楚師正圍鞏秦兵未下嶠始  
知千載內無復有申包



橫石三五片長松一兩株對君俗人眼真興理當無野  
老披荷葉家童掃粟附竹林千戶封甘橘萬頭奴君見  
愚公谷真言此谷愚

日晚荒城上蒼茫餘落暉都護樓蘭返將軍踈勒歸馬  
有風塵氣人多關塞衣陣雲平不動秋蓬卷欲飛聞道  
樓船戰今年不解圍

尋思萬戶侯中夜忽然愁琴聲遍屋裡書卷滿牀頭雖  
言夢蝴蝶定自非莊周殘月如初月新秋似舊秋露泣

連珠下螢飄碎火流樂天乃知命何時能不憂

憤憤天公曉精神殊乏少一郡催曙鷄數處驚眠鳥其  
覺乃于于其憂惟悄悄張儀稱行薄管仲稱器小天下  
有情人居然性靈夭

在死猶可忍為辱豈不寬古人持此性遂有不能安其  
面雖可熱其心長自寒匣中取明鏡披圖自照看幸無  
侵餓理差有犯兵欄擁節時驅傳乘亭不據鞍代郡蓬  
初轉遼陽柔欲乾秋雲粉絮結白露水銀團一思探禹

穴無用麋臯蘭

倏忽市朝變蒼茫人事非避讒應采葛忘情遂食薇懷  
愁正搖落中心愴有違獨憐生意盡空驚槐樹衰

日色臨平樂風光滿上蘭南國美人去東家棗樹完抱  
松傷別鶴向鏡絕孤鸞不言登隴首唯得望長安

閩麟能食日戰水定驚龍鼓鞞喧七萃風塵亂九重鼎  
湖去無返蒼梧悲不從徒勞銅雀妓遙望西陵松

無悶無不悶有待何可待昏昏如坐霧漫漫疑行海千

年水未清一代人先改昔日東陵侯唯見瓜園在  
懷抱獨惛惛平生何所論由來千種意併是桃花源穀  
皮兩書帙壺盧一酒樽自知費天下也復何足言

蕭條亭障遠淒慘風塵多關門臨白狄城影入黃河秋  
風別蘇武寒水送荆軻誰言氣益世晨起帳中歌

被甲陽雲臺重雲久未開鷄鳴楚地盡鶴唳秦軍來羅  
梁猶下擗揚排久飛灰出門車軸折吾王不復回

和張侍中述懷

陽窮乃悔吝世季誠屯剥奔河絕地維折柱傾天角成  
羣海水飛如雨天星落負鍾遂移山藏舟終去壑生民  
忽已魚君子徒為鶴疇昔逢知己生平荷恩渥故組竟  
無聞程嬰空寂寞永嘉獨流寓中原惟弔鑊道險卧櫬  
櫬身危累素殼漂流從木梗風卷隨秋籜張翰不歸吳  
陸機猶在洛漢陽錢遂盡長安米空索時占季主龜乍  
販韓康藥伏轅終入絆垂翅猶離繳徒懷琬琰心空守  
黃金諾號鄒終無寄齊秦竟何託大夫唯閔周君子常

思毫寂寥共羈旅蕭條同負郭農談止穀稼野膳唯藜

藿操樂楚琴悲

集作  
澁

忘憂魯酒薄涓濱觀坐釣谷口看

秋穫唯有丘明耻無復紫期樂夷則火星流天根秋水  
涸冬巖日不煖歲晚風多朔揚浮有恠雲細凌聞災電  
木皮三寸厚涇泥五斗濁雖忻曲轅樹猶懼雕陵鵲生  
涯實有始天道終虛索且悅善人交無疑朋友數何時  
得雲雨復見翔寥廓

奉和示內人

然香鬱金屋吹管鳳凰臺春朝迎雨去秋夜隔河來聽  
歌雲即斷聞琴鶴倒回春窻刻鳳下寒壁畫花開定取  
流霞氣時添承露杯

奉和趙王美人春日

直將劉碧玉來過陰麗華抵言滿屋裡併作一園花新  
藤亂上格春水漫吹沙步搖釵梁動紅輪被一作輪角斜  
今年逐春處先向石崇家

奉和趙王春日

城傍金谷苑園裡鳳凰池細管調歌曲長衫教舞兒向  
人長曼臉由來薄面皮梅花絕解作樹葉本能吹香煙  
龍口出蓮子帳心垂莫畏無春酒須花但見隨

夢入堂內

雕梁舊刻杏香壁本泥椒幔繩金麥穗簾鈎銀蒜條畫  
眉千度拭梳頭百遍撩小衫裁裏臂纏絃搯抱腰日光  
釵燄動窻影鏡花搖歌曲風吹韻笙簧火炙調即今須  
戲去誰復待明朝



和詠舞

梁簡文有  
詠舞詩

洞房花燭明，燕餘雙舞輕。  
頓履隨踈節，低鬟逐上聲。  
步轉行初進，衫飄曲未成。  
鸞迴鏡欲滿，鶴顧市應傾。  
已曾天上學，詎是世中生。

夜聽搥衣

秋夜搥衣聲，飛度長門城。  
今夜長門月，應如晝日明。  
小鬟宜粟瑱，圓腰運織成。  
秋砧調急節，亂杵變新聲。  
石燥砧逾響，桐虛杵絕鳴。  
鳴石出華陰，虛桐採鳳林。  
北堂細

腰杵南市女郎砧擊節無勞鼓調聲不用琴並結連枝  
縷雙穿長命針倡樓驚別怨征客動愁心同心竹葉椀  
雙去雙來滿裙裾不奈長衫袖偏宜短龍文鏤剪刀鳳  
翼纏簪管風流響和韻哀怨聲悽斷新聲繞夜風嬌轉  
滿空中應聞長樂殿判徹昭陽宮花鬢醉眼纈龍子細  
文紅濕摺通夕露吹衣一夜風玉堦風轉急長城雪應  
闌新綬始欲縫細錦行須纂聲煩廣陵散杵急漁陽搯  
新月動金波秋雲泛濫過誰憐征戍客今夜在交河朔

陽

一作  
羽鵬

離別賦臨江愁思歌復令悲此曲紅顏餘幾多

預麟趾殿校書和劉儀同

止戈興禮樂修文盛典謨壁開金石篆河浮雲霧圖  
香上延閣碑石向鴻都誦書徵博士明經拜大夫璧池  
寒水落學市舊槐疎高譚變白馬雄辯塞飛狐月落將  
軍樹風驚御史烏子雲猶汗簡溫舒正削蒲連雲雖有  
閣終欲想江湖

和宇文內史入重陽閣

北原風雨散南宮容衛踈待詔還金馬儒林歸石渠徒

懸仁壽鏡空聚茂陵書竹淚垂秋筍蓮衣落夏集作蕖

顧成始移廟陽陵正徙居舊蘭憔悴長殘花爛熳舒別

有昭陽殿長悲故一作婕妤

班

忝在司水看治渭橋

大夫叅下位司職渭之陽富平移鐵鑠一作甘泉運石

鑠柱

梁跨虹連絕岸浮鼉續斷航春洲鸚鵡色流水桃花香

星精逢漢帝釣叟值周王平隄石岸直高堰柳陰長羨

言杜元凱河橋獨舉觴

北園新齋成應趙王教

虹粉跂鳥翼山節拱蘭枝  
畫梁雲氣繞雕窻玉女窺月  
懸唯返照蓮開長倒垂盤根  
紐壞石行雨暴澆池長藤  
連格徙高樹帶巢移鳥聲唯  
雜曲花風直亂吹白虎題  
書觀玄熊帖射皮文弦入舞  
曲月扇掩歌兒玉節調笙  
管金船代酒卮若論曹子建  
天人本共知

同會河陽公新造山池聊得寓目

橫階仍鑿澗對戶即連峰暗石疑藏虎盤根似卧龍沙  
洲聚亂荻洞口礙橫松引泉恒數派開巖即十重北閣  
聞吹管南鄰聽擊鐘菊寒花正合杯香酒絕濃由來魏  
公子今日始相逢

登州中新閣

跨虛凌倒景連雲拒少陽璇極龍鱗上雕甍鵬翅張千  
尋文杏照十里木蘭香開窻對高掌平坐望河梁歌響  
聞長樂鐘聲徹建章賦用王延壽書須韋仲將龍來隨

畫壁鳳起逐吹簧石作芙蓉影池如明鏡光花梁反披  
葉蓮井倒垂房徒然思鷺賀無以預鷓翔

歲晚出橫門

年華改歲陰遊客喜登臨據鞍垂玉帖橫腰帶錦心冰  
弱浮橋沒沙虛馬跡深倚弓依古岸回牀向柳陰智瓊  
來勸酒文君過聽琴明朝雲雨散何處更相尋

北園射堂新成

軒臺聊可習仙的不難登轉箭初調箭橫弓先望朔驚

心一鴈落連臂兩猿騰直知王濟巧誰覺魏舒能空心  
不死樹無葉未枯藤擇賢方至此傳卮欣得朋

古詩紀卷一百二十五